



Inatsisartuni ilaasortaq,  
Mala Høj Kúko, Siumut

### § 37 naapertorlugu apeqquteqaammut nr. 012 januaarip 16-anni 2023- meersumut akissut

Inatsisartut suleriaasissaanni § 37-mi imm. 1 naapertorlugu Naalakkersuisunut nakkutilliineq pillugu apeqqutinik nassiussaqaarsimavutit. Apeqqutitit uanga suliassaqaqfigisannut akisassanngortinneqaarsimapput.

1. Naalakkersuisut isumaqarpat Tasiilap eqqaani piniarnermik nakkutilliineq Nuuminngaanniit ingerlanneqartoq torrallataasoq?
2. Naalakkersuisut piniarnermut angallammik nakkutilliisussamik pilersaaruteqarpat?
3. Tasiilap eqqaani nakkutilliisussamik pilersitsisoqassagaluarpas Naalakkersuisunit qanoq akeqassangatinneqarpa:
4. Naalakkersuisut nakkutilliisussamik Tasiilap eqqaani pilersaaruteqanngikkunik sunik tunngavilersuuteqarpat?

Ulloq: 26-01-2023  
Suliap normua: 2023 - 1326  
Akt normu: 22339982

Postboks 269  
3900 Nuuk  
Oqarasuaat (+299) 34 50 00  
Fax: (+299) 34 63 55  
E-mail: apn@nanoq.gl  
www.naalakkersuisut.gl

#### 1-imut akissut:

Kalaallit Nunaanni Aalisarsinnaanermut Akuersissutinik Nakkutilliisoqarfimmi aqqissuussaananermi allunnguutit ukiuni 2021-mi 2022-milu atuutilersinneqarput, taakkunani nalorninartoqarfiusinnaasut tunngavigineqarput, imatut paasillugu, nakkutilliiviusumi sumiiffinni unioqqutitsisoqariaannaaffiani unioqqutitsinerillu angisuumik innarliisinnaasuni annertunerusumik nakkutilliisoqassasoq.

Ittoqqortoormiuni ataatsimik piniarnermik nakkutilliisoqarpoq, Tasiilarlu Nuumi nakkutilliisunit angalasunit nakkutilliivigineqartarluni. Assersuutigalugu nakkutilliisut maajimi 2021 Tasiilamut nakkutilliartorput. Tassani atugassamik umiatsiaaqqamik attartortoqaarsinnaavoq.

Naalakkersuisut aningaasaliissuteqartarnermi pissutsit pissutigalugit nakkutilliineq qulaani taaneqartutut aqqissuunnikuuat.

Tamanna pillugu ilisimatitsissutigisinnaavara, siunnersuutit UKA2022/31-p aamma UKA2022/59-ip Inatsisartuni suliarineqarnerannut atatillugu imaattumik allannguutissatut siunnersuuteqartoqartoq:

”Piniarnermut aalisarnermillu nakkutilliisoqarnermut tamakkiisumik nalilersorneqarnissaanut periusissiorfigineqarnissaanullu Naalakkersuisut peqquneqarnissaanik Inatsisartut aalajagiiffigisassaattut siunnersuut.

Nalilersuineq periusissiornerlu UKA 2023-mi Inatsisartunut kingusinnerpaamik saqqummiunneqassaaq.

Tassanilu nunap immikkoortuini aaqqissuusseqqinnikkut nakkutilliisoqarnikkullu pitsanngorsaaniissat isiginiarneqassallutik.”

Naalakkersuisut allannguutissatut siunnersuutaat Inatsisartuni akuerineqarpoq novembaarip sisamaani 2022.


Aalisarnermut Piniarnermullu Naalakkersuisoqarfiup ataani Kalaallit Nunaanni Aalisarsinnaanermut Akuersissutinik Nakkutilliisoqarfiup ataatsimut nalilersuineq aamma piniarnermik aalisarnermillu periusissiaq iliuusissatullu pilersaarut suliarissallugu aallartittussavaa. Nalilersuineq aamma periusissiaq iliuusissatullu pilersaarut Inatsisartunut kingusinnerpaamik UKA 2023-mi nassiunneqassapput.

2: Apeqqummut 1-imut akissut innersuussutigaa.

3: Apeqqummut 1-imut akissut innersuussutigaa.

4: Apeqqummut 1-imut akissut innersuussutigaa.

Inussiarnersumik inuulluaqqusillunga



Karl Tobiassen

Aalisarnermut Piniarnermullu Naalakkersuisoq